



Broj:

Sarajevo, 24.01.2025. godine

PRIMLJENO:

27-01-2025

Organizaciona jedinica	Klasifikaciona oznaka	Redni broj	Broj priloga
01-	50-1-	267/25	

830

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM

n/r g. Denis Zvizdić, predsjedavajući

Predmet: Prijedlog za glasanje o potrebi rekonstrukcije Vijeća ministara BiH- smjena ministra vanjskih poslova, dostavlja se,-

Na osnovu člana 153. st. (1) i (3) i člana 154. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23, 87/23 i 50/24) mi dole navedeni zastupnici:

Iniciramo prijedlog za glasanje o potrebi rekonstrukcije Vijeća ministara BiH- smjenu ministra vanjskih poslova u Vijeću ministara Bosne i Hercegovine Elmedina Konakovića;

Obrazloženje:

Ministar vanjskih poslova BiH Elmedin Konaković je nesavjesnim, neodgovornim i nekompetentnim obnašanjem funkcije ministra vanjskih poslova BiH nanio nesagledivu štetu državi Bosni i Hercegovini, njenom međunarodnom ugledu i instituciji Ministarstva vanjskih poslova BiH.

Ranije objavljene prepiske iz Sky aplikacije i shema agencije EUROPOL, koje ukazuju na povezanost ministra Konakovića sa globalnim narko-kartelom “Tito i Dino”, narušile su povjerenje građana Bosne i Hercegovine i međunarodnih partnera u institucije države, posebno u Ministarstvo vanjskih poslova, koje bi trebalo predstavljati temelj integriteta i kredibiliteta države na globalnoj sceni.

Ministar Konaković je organizacijom konferencije za medije posvećene odbrani osoba povezanih sa narko-kartelom “Tito i Dino” u prostorijama Ministarstva vanjskih poslova BiH nanio dodatnu reputacijsku štetu instituciji kojom rukovodi.

Ministar Konaković je nedavno izjavio da on ima informacije i saznanja da neki ljudi u institucijama BiH sarađuju sa obavještajnom agencijom susjedne države na projektu rušenja Ustavnog suda BiH i drugih državnih institucija. Dodao je da informacije nije dobio od OSA-e nego od nekih drugih službi, te na taj način javno priznao da je bio u neovlaštenom i nezakonitom kontaktu sa stranim službama. Ovim je ogolio vlastitu ulogu u onome za šta Konaković optužuje druge - u rušenju državnih institucija i ustavnog poretka u BiH.

Svojim djelovanjem u Vijeću ministara BiH i ulogom u nezakonitom produžavanju mandata vršiteljici dužnosti agentice Vijeća ministara BiH pred Evropskim sudom za ljudska prava, Konaković je direktno omogućio zloupotrebu institucija države u pokušaju osporavanja

odluke Evropskog suda za ljudska prava u predmetu "Kovačević", kojom je utvrđena teritorijalna diskriminacija građana Bosne i Hercegovine u izbornom sistemu.

Takav odnos prema funkciji kulminirao je otkazivanjem Samita lidera Zapadnog Balkana i Evropske unije, koji je trebao biti održan u decembru 2024. godine u Neumu i u čijoj pripremi su direktno učestvovali najbliži Konakovićevi saradnici.

Otkazivanje Samita zbog neizvršavanja obaveza iz direktne nadležnosti ministra vanjskih poslova je diplomatski skandal koji je naneo historijsku sramotu državi Bosni i Hercegovini, njenom međunarodnom kredibilitetu i putu ka članstvu u Evropskoj uniji.

Zbog svih gore navedenih razloga smatramo da Elmedin Konaković više ne može obavljati funkciju ministra vanjskih poslova Bosne i Hercegovine, te pozivamo da se glasa za ovu inicijativu.

Zastupnici:

Ime i prezime

Potpis

ŠERIF ŠPAGO

EDIN RAMIĆ

SAFET KEŠO

MIDHAT ČAUŠEVIĆ

ŠEMSUDIN DEDIĆ

NERMIN MANDRA


AMOR MAŠOVIĆ

DENIJAL TULUMOVIĆ

MILAN DUNOVIĆ

ŽLATAN BEGIĆ


VLATKO GLAVAS














Žlatan Begić